

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

جبل برکت سنجانجی بدایت محکمه سی مدعی عمومی
معاونلکی حدیده سنجانجی تجارت محکمه سی رئیس
سابق عثمان سعیدی افندی به

ایچ ایل سنجانجی بدایت محکمه سی مدعی عمومی
معاونلکی بیغا قضاسی بدایت محکمه سی مدعی عمومی
معاونی مکرمتلو علی نیازی افندی به

بیغا قضاسی بدایت محکمه سی مدعی عمومی
معاونلکی مکتب حقوق شاهانه مآذونلرندن الیاس
شکری افندی به

قالقاندلن قضاسی بدایت محکمه سی جزا دائره سی
ریاستی مکتب حقوق شاهانه مآذونلرندن سلیمان فائق
افندی به

ولچترین قضاسی بدایت محکمه سی مدعی عمومی
معاونلکی مکتب حقوق شاهانه مآذونلرندن محمدصادق
افندی به تفویض بیورلمش ومومی الیهمدن محلف
اولیمان الیاس شکری وسلیان فائق ومحمد صادق
افندیلرک علی الاصول امر تحلیفلی در دست اجرا
بولنمشدر.

تعیین مقررات

مدالو سنجانجی بدایت محکمه سی مستنطقلکینه
قوزان سنجانجی بدایت محکمه سی مستنطق عبدالرزاق
افندی

قوزان سنجانجی بدایت محکمه سی مستنطقلکینه
زور سنجانجی بدایت محکمه سی مستنطق محمد هدایت
افندی

کوربیجه سنجانجی بدایت محکمه سی برنجی
مستنطقلکینه کلیولی سنجانجی بدایت محکمه سی
برنجی مستنطق لطفی افندی

کلیولی سنجانجی بدایت محکمه سی برنجی
مستنطقلکینه مکتب حقوق شاهانه مآذونلرندن محمد
علی افندی

نابلس سنجانجی بدایت محکمه سی برنجی مستنطقلکینه
بنغازی سنجانجی بدایت محکمه سی مستنطق نجیب افندی

تکفورطغانی سنجانجی بدایت محکمه سی حقوق
دائره سی باش کتابته محکمه مزبوره جزا دائره سی
باش کاتبی محمد نوری افندی

تکفورطغانی سنجانجی بدایت محکمه سی جزا
دائره سی باش کتابته ادرنه ولایتی مرکز بدایت
باش کاتب معاونی حسن افندی

جبل برکت سنجانجی بدایت محکمه سی باش کتابته
نیکده سنجانجی بدایت محکمه سی باش کاتب سابق
توفیق افندی

اسکچه قضاسی بدایت محکمه سی اعضا لکینه
حلب ولایتی مرکز بدایت محکمه سی اجرا مأموری
نظیف افندی

حلب ولایتی مرکز بدایت محکمه سی اجرا
مأموریتنه قدس شریف سنجانجی بدایت محکمه سی
اجرا مأموری حسن عالی افندی

قدس شریف سنجانجی بدایت محکمه سی اجرا
مأموریتنه مکتب حقوق شاهانه مآذونلرندن موسی
افندی تعیین اولنمشدر.

مجازات مقررات

محکمه تمیز استدعا دائره سندن تنظیم واعطا
قلنان اعلامدر:

قونیه ولایتی مرکز بدایت محکمه سی جزا
دائره سندن استینافاً تنظیم واعطا قلمان ۷ تموز سنه
۳۲۳ تاریخلی و ۱۰۵ عددلی اعلامک تمیزاً تدقیقی
مستدعی محکمه مذکوره مدعی عمومی معاونلکی

طرفندن ویریلان استدعاینامه واوراق متفرعه سی
باش مدعی عمومیک مأموریت بهیه سنک ۳ ایلول
سنه ۳۲۳ تاریخلی تبلیغنامه سی ایله محکمه تمیز استدعا
دائره سنه تودیع اولمش ولدی التدقیق مذکور
استدعاینامه ک مدت قانونیه سی ظرفیده ویرلدیکی
اکلاشلمش اولدیغندن بالقبول تدقیقات تمیزیه اجرا سنه
ابتدار قلندی.

اعلام مذکورک خلاصه مالی سیدبالاک قیونلرینی
سرقت ایتدکلی ادعا قلنان ایوب اوغلی یوسف
وحاجی محمد اوغلی عبدالله ایله مال مسروق اولدیغنی
بیله رک بونلری آلق فعلیه مظنون علیهما اولان عبدالحکیم
وآقره لی علینک حرکات مثبتیه لرینه توافق ایدن
قانون جزانک ایکی یوز یکرمی دردنجی وایکی یوز
اوتوزنجی ماده لری احکامنه توفیقاً عبدالله ایله یوسفک
ایکیشر ماه و عبدالحکیم وعلینک دخی یکرمیشر کون
حبس لرینه دائر لاحق اولان حکم ابتدائی علیه نه
مرقومندن عبدالله و یوسف طرفلرندن اقامه اولنان
استیناف دعواسی اوزرینه جریان ایدن محاکمات
وتدقیقات استینافیه ده اسباب ثبوتیه قانونیه به مستند
اولیمان حکم مذکورک فسخیه مرقومانک برائت لرینه
قرار ویرلدیکی متضمندر.

لایحه تمیزیه ده محکمه استینافیه جه حکم ابتدائینک
فسخیه بالاحاکمه برائت قراری ویرلمسی مغایر اصول
اولدیغندن بخله اعلام استینافینک نقضی استدعا
اولنمشدر.

تبلیغنامه ده دخی اعتراضات مذکوره نک بحا اولدیغنی
بیانیه اعلام مزبورک نقضی لزومی کوسترلشدر.

ایجابی لدی المذاکره محکمه استینافیه جه مظنونلرک
محکومیتلرینی حاوی اولان اعلام ابتدائینک اسباب
ثبوتیه مبتنی اولدیغنی نقطه سندن فسخ ایدلمش
اولسنی متعاقب اصول محاکمات جزائیه قانوننک یوز
طقسان برنجی ماده سنده کوسترلدیکی اوزره اساس
دعوی حقنده محکومیت ویا برائی متضمن قرار دیگر
اعطاسی ایچون امر محاکمه نک تکرار اجراسی
وعند الایجاب تحقیقات حاضره نک دخی توسیع

وتعميق اصول مذکورک جمله احکام عمومیه سندن اولدیفی حالده صور مشروحه به توفیق حرکت اولقمسزین اعلام ابتدائی مزبورک فسخیله برابر برائت قرارى ویرلسی لایحه تمیزیه در میان اولدیفی وجهه مستلزم تقض نواقص اصولیه دن کورنش اولدیفندن ذکر اولنان اصول محاکات جزایه قانونک اوچوز اون دردنجی و اوچوز اون طقوزنجی ماه دلری موجبجه اعلام استینافیک تقضه واحکام قانونیه دائره سندن ایضای معامله اولفق اوزره اوراق متعلقه سنک محکمه مذکوریه اعاده ۶ تشرین ثانی سنه ۳۳۳ تاریخده متفقاً قرار ویرلدى .

—

قره اسماعیل اوغلی ابراهیمی قتل ایتدیکی ادعا اولمسندن دولای جنایتله اتهام اولنان سلیم و برادری مددک اون بشر سنه مدته کورک قونلرینه دائر بولی سنجانی بدایت محکمه سی جزا دائره سندن ایکنجی دفعه اوله رق ویریلان ۴۰۶ نومرولی اعلام

رمضان تشریر سالحله برابر ضرب و کوشدن معمول ساعت و قوردوتی واره کیسه سنی اخذ و غصب ایتدیکی ادعا اولمسندن دولای جنایتله اتهام اولنان ابراهیم و مصطفی و رفیقک اوچر سنه مدته کورک قونلرینه و موسانک برائت دائر دراج سنجانی بدایت محکمه سی جزا دائره سندن ویریلان ۱۱۴ نومرولی اعلام مختار احمد زوجیه سی حوانک وفاته سببت ویردیکی ادعا اولمسندن دولای جنایتله اتهام اولنان علینک بش سنه مدته کورک قونلسنه دائر قونیه ولایتی استیناف محکمه سی جزا دائره سندن ویریلان ۲۹۴ نومرولی اعلام

محمدی قتل ایتدیکی ادعا اولمسندن دولای جنایتله اتهام اولنان احمد و حسینک اون بشر سنه مدته کورک قونلرینه دائر عکا سنجانی بدایت محکمه سی جزا دائره سندن ایکنجی دفعه اوله رق ویریلان ۷۴ نومرولی اعلام

آرتینی قتل ایتدیکی ادعا اولمسندن دولای جنایتله اتهام اولنان احمدک اون بش سنه مدته کورک قونلسنه دائر مرعش سنجانی بدایت محکمه سی جزا دائره سندن ویریلان ۲۲۲ نومرولی اعلام مرعشلی اوغلی سرکزک باقرلری سرق ایتدیکی ادعا اولمسندن دولای جنایتله اتهام اولنان کر قورک اوچر سنه مدته کورک قونلسنه و مال مسروق بیلهرک آلمسندن ناشی جنجه ایله لزوم محاکمه سنه قرار ویریلان کیغورقک ایکی ماه مدته حبسنه دائر حلب ولایتی استیناف محکمه سی جزا دائره سندن ویریلان ۴۸۰ نومرولی اعلام

طاهری قتل قصدیه جرح ایتدیکی ادعا اولمسندن دولای جنایتله اتهام اولنان ابراهیمک درت سنه مدته کورک قونلسنه دائر منتشا سنجانی بدایت محکمه سی جزا دائره سندن ویریلان ۲۳۱ نومرولی اعلام حسنی چاوشی قتل ایتدیکی ادعا اولمسندن دولای جنایتله اتهام اولنان شکرینک اون بش سنه مدته کورک قونلسنه دائر قسطنی ولایتی استیناف محکمه سی جزا دائره سندن ویریلان ۲۰۴ نومرولی اعلام

میچونک قونلری رعی ایتدیکی ائنده اوکنه چقه رق معامله جبر و شدت اجراسیله بکرمی بش رأس اغنامی غصب ایتدیکی ادعا اولمسندن دولای جنایتله اتهام اولنان صالح بن کریمک اوچر بچق واحد و صالح بن حسنک اوچر سنه مدته کورک قونلرینه و محمد علینک برائت دائر سنانیک ولایتی استیناف محکمه سی جزا دائره سندن ایکنجی دفعه اوله رق ویریلان ۱۶ نومرولی اعلام

حسن بن خلفک اثنای راهده معامله جبر و شدت اجراسیله اشیانی سرق ایتدیکی ادعا اولمسندن دولای جنایتله اتهام اولنان احمد و خلفک اوچر سنه مدته کورک قونلرینه دائر مار دین سنجانی بدایت محکمه سی جزا دائره سندن ویریلان ۱۴۴ نومرولی اعلام

قر اوغلی حسنی قتل ایتدیکی ادعا اولمسندن دولای جنایتله اتهام اولنان آرابه سی حسینک اون بش سنه مدته کورک قونلسنه و محمدک دخی عادیا ضارب و جارج اولدیفی ثابت اولدیفندن برسنه مدته حبس ایدلسنه دائر ارزنجان سنجانی بدایت محکمه سی جزا دائره سندن ویریلان ۴۲۱ نومرولی اعلام

مختار سلیمانی قتل ایتدیکی ادعا اولمسندن دولای جنایتله اتهام اولنان علینک اون بش سنه مدته کورک قونلسنه دائر سنانیک ولایتی استیناف محکمه سی جزا دائره سندن ویریلان ۸۳ نومرولی اعلام

استاوری بی قتل قصدیه جرح ایتدیکی ادعا اولمسندن دولای جنایتله اتهام اولنان پاندازینک اوچر سنه مدته کورک قونلسنه دائر سنانیک ولایتی استیناف محکمه سی جزا دائره سندن ویریلان ۱۲۳ نومرولی اعلام محکمه تمیز جزا دائره سنجه تصدیق قلمشدر .

—

۶۴۷ نومرولی نسخه ده مندرج در سعادت جنایت محکمه سی اعلامنک مابعدی : بولیس اوچنجی صنف سواری قومیسری

اولدیفی وضبطیه نظارت جلیله سنده مستخدم بولندیفی بیان ایدن قرق بش یاشنده طاغستانی عبد الکرم افندی بن عبده وقعه کونی صاحبین پارمق قوده قوندره سی حسن افندیکن دکاننده پونلری تعمیر ایتدیردیکی صهره مته محمدک ائنده بیچاق اولدیفی حالده قوشمقده واهالینک دخی طونک دیو فریاد ایتکده اوندقلری کوردیکی وائنده قولتجی محمد ایله قومیسر فیضی افندیکن مرقومی طونه رق قولتجی محمدک متهمک ائندن بیچانی آلمی اوزرینه کندوسیده یتشوب متهمی قره غولخانه به کونردکلری قره غولخانه قومیسری محمدلی افندیکن قره غولخانه دروننده مقتولا یاتمقده اولان یشاری ارانه ایله سنی اوردک دیدیکنده متهمک بویشار ایله خاجیک و محمد بن علیهمده بولنیورلری قهوه خانه دن چیقارمغه سبب اولدیلر آنک ایچون یشاری اوردم دیکرلری اوردیفی بیلیمورم دیدیکی مضبوط افاده سی دائره سنده یاد و شهادتی حاضر بولنان متهم حقنده ایدوکنی ایراد ایلدی .

بوشاهدک شهادتیه نه دیه جکی صورلدقده متهم دیه جکی اولدیفی سویلدی .

بولیس اوچنجی صنف قومیسرلرندن پارمق قو موقنده مستخدم بکرمی بش یاشنده بوسهل شریف افندی بن نظیف وقعه کونی چارسوی کیرده بولندیفی صهره آدم اولدیفی سویلر ایله قره غولخانه به کتدیکنده یشارک قره غولخانه ده مقتولا یاتمقده اولدیفی کوردیکی قره غولخانه به کتورلش اولان متهم قهوه سی محمد قومیسر محمد علی افندی طرفندن استجواب ایدلکده مقتول یشار ایله مجروح محمد و خاجیک کندوسنک علیهنده سوز سوبلکلرندن و دکانن چقمسنه سبب اولدقارندن واسنی فونوغرافه قویدقارندن طولای یشاری بیچاقله جرح ایتدیکی و محمد ایله خاجیکی جرح ایلدیکی بیلمدیکی اقرار ایتدیکی ایشتدیکی مضبوط افاده سی وجهله بیان و شهادتی حاضر بولنان متهم حقنده ایدوکنی اتیان ایتدی .

متهم محمد بوشاهدک شهادتیه دخی دیه جکی اولدیفی سرد ایتدی .

باب ضبطیه ده هیئت تقشیده مستخدم بولندیفی وترصد سرقومیسری ایدوکنی سویلیان بکرمی التی یاشنده دیورکلی فیضی بک بن نصوح وقعه کونی بولکن خاندن بولندیفی ائنده ایشتدیکی برکورتی اوزرینه باقیدقده متهم محمدک ائنده بیچاق اولدیفی حالده خاجیکی تعقیب ایدرک خالک قیوسی اغزنده مذکور بیچاقله خاجیکی اوموزندن جرح ایلدیکی کوردیکی و بونک اوزرینه

متهم محمد بوشاهدک شهادتیه دیه جکی اولدیفی سرد ایتدی .

(مابعدی کله جک نسخه به)

—

آوستولک دیمتری جرح ایتدیکی ثابت اولدیفندن برهفته مدته حبسنه شاکرک هاجر خاتمه تشریر سلاح ایتدیکی ثابت اولدیفندن برهفته مدته حبسنه بک اوغلی بدایت محکمه سی جزا دائره سنجه قرار ویرلشدر .

—

مُحَامَلَاتُ اَلْاِثْنَاءِ

عربسون قضای نائی و بدایت محکمه سی رئیس بزمی و محکمه مذکوریه اعضاسندن سلیمان واتمس و اعضای سابقه سندن عالم وضابطه مأموری امین و سلیمان و مهران افندیلرک مواد معینه ده امور مأموره لرلی سوء استعمال ایلدکلری آقره و قونیه ولایتلری عدلیه مفتشکلکندن وارد اولان اوراق تحقیقه مؤداسندن اکلاشلسته مبنی مومی الیهک محاکمه آلتیه آلتیرنه عدلیه نظارت جلیله سنجه مآذونیت ویریلهرک محله تبلیغات لازمه اجرا ورئیس مومی الیهک کیفیت محاکمه سندن طرف عالی مشیختپناهی ده معلومات اعطا قلمشدر .

~~~~~

دوله قضای نائی و بدایت محکمه سی رئیس بهامالدین و محکمه مذکوریه اعضاسندن عمر و آغوب ورنجی کاتبی عثمان و مستطلق معاون سابق محمد افندیلرک مواد معینه خلاف قانون معاملات جرأت ایلدکلری آقره و قونیه ولایتلری عدلیه مفتشکلکندن وارد اولان اوراق تحقیقه محتویاتندن اکلاشلسته مبنی مومی الیهمن عثمان و محمد افندیلر حقلرنده برلکده تعقیبات اجرا اولتی اوزره دیکرلرینک اجرای محاکمه لرینه عدلیه نظارت جلیله سندن مآذونیت ویریلهرک محله تبلیغات لازمه ایفا ورئیس مومی الیهک کیفیت محاکمه سندن طرف عالی مشیختپناهی ده معلومات اعطا ایلشدر .

## اَلْاِثْنَاءُ

انجمن اداره عدلیه

عدلیه نظارت جلیله سی دائره سیله اسکدار و بک اوغلی محاکمی دواثری باوشیقلرینک ویرا کنده

یاشنده بروسلی مصطفی بن احمد مقتول یشارک دکاننده چالشدیفی صهره ده وقعه کونی صاحبین ساعت بریچق قرارلرنده یشار ایله دکاننده چالشدقارلی ائنده متهم محمدک دکانه بالدخول مقتول یشاره خطاباً اطاله اسانه بر بیچاق چیقاروب اوطوردیفی محله یشاری کونکسندن جرح ایتکله یشارک قالقوب سواقعه چیدیفی و محمدکده ائنده بیچاق اولدیفی حالده ارقه سندن کتدیککی و بوقعه دن ایکی اوچ کون مقدم متهم محمد دکانلرینه کله یشار ایله کوریشوب یکدیکلرینک خاطرنی سؤال ایتدکلری وینلرنده خصومت و منازعه اولوب اولدیفی بیلمدیکی مضبوط افاده سی موجبجه یاد و آلت قتل دینیلان بیچاق کندوسنه ارانه و سؤال و سائر کونه استیضاح احوال اولدقده لایقیله کورهمدیککی جهته متهمک ائنده کی بیچاقک بویچاق اولوب اولدیفی تعیین ایده میه جکی و مقتول یشارک قهوه خانه ایشنه قارشمدیفی و شهادتی حاضر بولنان متهم حقنده ایدوکنی ایراد ایلدی .

متهم محمد سبب بیان ایتیه رک بوشاهدک شهادتی قبول ایتیه جکی سویلدی .

ادرنه قیوسنده حاجی محی الدین سواقنده اقامته پارمق قوده مقراصجیلر جاده سنده اوتوز طقوز نومرولی دکانده قوندره قالدجیسی اولدیفی اتیان ایدن قرق طقوز یاشنده آستانلی حاجی مفر ولدایا وقعه کونی دکاننده ایشله مشغول ایکن مقتول یشارک برالیه کونکسی طوقش اولدیفی حالده دکانی اوکندن کتدیککی کوردیکی و دکانی اوکنده اوطورمقده اولان محمدک دخی دکان دروننه کیرمسیله متهم محمدک بیچاقله دکانه بالدخول محمدی ارقه سندن جرح ایله چیقوب کتدیککی مضبوط افاده سی وجهله اخبار ولدی السؤال مقتول یشارک متهم محمدی قهوه خانه دن چیقاردیفندن وینلرنده خصومت اولدیفندن معلوماتی اولدیفی و متهمک ائنده کوردیکی بیچانی شمدی کورسه طایه میه جفی و شهادتی حاضر بولنان متهم حقنده ایدوکنی سویلدی .

متهم محمد بوشاهدک شهادتیه دیه جکی اولدیفی بیان ایتدی .

قوم قوده حوصلی بوستانده اقامت ایتدیکی و پارمق قوده قوندره قالدجیسی مفرک دکاننده چالشدیفی سویلیان قرق بش یاشنده آستانلی مپاروسم ولدکیغورق وقعه کونی دکاننده چالشمقده ایکن متهم محمدک ائنده بیچاق اولدیفی حالده دکانه بالدخول محمدی ارقه سندن جرح ایله چیقوب کتدیککی و بشقه برشیدن معلوماتی اولدیفی مضبوط افاده سی وجهله در میان و بیچاق کندوسنه ارانه ایدلکده متهمک بویچاق ایله محمدی جرح ایتدیکی و شهادتی حاضر بولنان متهم حقنده ایدوکنی اتیان ایلدی .

مرقوم محمدک فرار ایتدیکی صهره ده قوتوقی محمددا ایله برلکده طوتوب ائندن بیچانی آلدقلری و متهم محمدی قره غولخانه به کتور دکلرنده یشارک مقتولا یاتمقده اولدیفی دخی مشاهده ایلدیکی و قومیسر محمدلی افندی متهمی استجواب ایتدیکنده مقتول یشار ایله مجروح محمد و خاجیک کندوسنک علیهنده سوز سوبلکلرین و قهوه خانه دن چقمسنه سبب اولدقارلی واسنی فونوغرافه قویه رق محله ده چالشدقارلی و بوسیدین طولای یشاری جرح ایتدیکی و محمد ایله خاجیکی جرح ایدوب ایتدیکی بیلمدیکی اقرارده بولندیفی مضبوط افاده سی موجبجه اخبار و آلت قتل اولتی اوزره کوندرلش اولان بیچاق شاهده ارانه و سؤال و سائر کونه استیضاح احوال اولدقده متهمک ائندن آلتان بیچاق کندوسنه ارانه ایدیلان بیچاق اولدیفی و متهمک یشاری جرح ایتدیکی صهره ده منازعه ایتدکلری سویلدیکی و حقنده شهادت ایلدیکی شخص حاضر بولنان متهم ایدوکنی تذکار ایلدی .

بوشاهدک ذات و شهادتیه نه دیه جکی عندالسؤال متهم برده جکی بولندیفی و بیچاق کندوسنک اولدیفی سویلادی .

پارمق قوده مقراصجیلر ایچنده اوتوز ایکی نومرولی دکانده اقامته قهوه جیلک ایتدیکی بیان ایدن بکرمی درت یاشنده آستانلی ابراهیم بن هانم متهم محمد کندوسنک اقامت ایتدیکی قهوه خانه ده مقدمالیشمش اولدیفی و مذکور قهوه خانه ده بولنان طاقی سرکه جیده قهوه جیلک ایدن مصطفی آقادن صاتون آلدیفی و وقعه کونی متهم محمد قهوه خانه به کله رک براز اوطور وروب کتدیککی و برایکی دقیقه صکره متهم مرقومک ائنده بریچاق اولدیفی حالده مقتول یشارک دکانندن چقه رق قیوچی آریتک و اوردان حاجی مفرک دکانلرینه کوروب چیقه رق یول کن خانه طوغری کتدیککی و بشقه بر شیدن معلوماتی اولدیفی مضبوط افاده سی دائره سنده در میان ولدی السؤال متهمک ائنده کوردیکی بیچاقده قان اولوب اولدیفیه دقت ایتدیکی و ایکی اوچر ماه مقدم متهم محمد ایله مقتول یشار بپننده منازعه اولدیفی ایشتمش ایسه ده کیمدن ایشتدیکی تعیین ایده میه جکی و یشارک قهوه خانه طاقی آلتی مسئله سنه مداخله ایتدیکی و متهمک ائنده کی بیچانی اوزاقدن کوردیکی جهته شمدی کورسه طایه میه جفی و شهادتی حاضر بولنان متهم عاڈ ایدوکنی اتیان ایلدی .

متهم محمد بوشاهدک شهادتیه دیه جکی اولدیفی انبا ایتدی .

فایمده چهارشنبه جاده سنده بیچاقی صالح اوسته نک دکاننده اقامته قالفه لقی ایتدیکی در میان ایدن اوتوز ایکی



صايجيلق يعنى شريحتيك واتمكجيك وصوجيلق وقهوجيك وسميدجيكلرينك مدت الزاميه لى سنه حاليه شباطى نهايتنه منقضى اوله جفته مبنى تاريخ اعلاندن اعتباراً جمعه وپازاردن ماعدا هر كون بونلرك مزايده سنه دوام ايله كانون ثاينك اوتوزنجى چهارشنبه كونى قرار موقتى اعطا وشباطك اون اوچنجى چهارشنبه كونى يوزده اوچدن بشه قدر ضم قبوليله احاله قطعيه سى اجرا اوله جفتدن طالبي بولنان وشرايطى اكلامق ايستينلرك ايام مذكوره دن ماعدا كونلرده ساعت التيدن اونه قدر تايمينات اچهلرينى حاملان انجمن عدليه ويا محاسبه يه مراجعت ايللرى اعلان اولنور .

### نجات بحريه محكمه سنه

غلطه ده طوپجىلر جاده سنه ۱۱۳ نومروده مقيم تجاردين پانده لى حاجى فوطياديسك ۱ كانون اول سنه ۳۲۳ تاريخندن اعتباراً اعلان افلاسنه ومصالح افلاسيه نك رؤيت وتسويه سى ضمنتده اعضاى محكمه دن سعادتلو ابراهيم بكك ژورقوميسر و"دعوى وكياللرندن سعدالدين بكك موقت سنديك تعينلرينه ومغازه سيله اشياى زانده بيتيه سنك تمهيرينه واوراق ودفاترينك جلبه وكفالت مصدقه اراه ايدمه ديكي تقديرده حبس وتوقيفه وبوابده كى قرارك موقتاً اجراسنه تجارت بحريه محكمه سنجه قرار ويرلمش اولديغندن قانوننامه تجارتك ۱۷۰ نجى ماده سى موجبنجه دائى سنديكلكر انتخاب اولمق اوزره اشبو ۳۲۳ سنه سى شباطنك دردننجى بازارايرتسى كونى ساعت يدى راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

استانبولده كراسته جيلرده ۸ و ۲۹ نومرولى مغازه لرده ساكن ايكن تجارت بحريه محكمه سندن افلاسنه حكم اولمش اولان يواناكي ميخائيليديس شركتى ذمتنه آله جفتى اثبات ويا موقتاً قبول وقيد ايتديرمش اولان آله جقلولرك قانوننامه تجارتك ۲۱۱ نجى وآنى ولى ايدن ماده سى موجبنجه مفلس طرفدن تكليف اوله جقق قونقورداتونك مذاكره سى ايجون ۳۲۳ سنه سى كانون اولنك اوتوزبرنجى پنجشنبه كونى محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

استانبولده ديقرانىان خانى آلتنده كى مغازه ده ساكن ايكن تجارت بحريه محكمه سندن افلاسنه حكم اولمش اولان ق . شويلا برادرلر شركتى ذمتنه

آله جفتى اثبات ويا موقتاً قبول وقيد ايتديرمش اولان آله جقلولرك قانوننامه تجارتك ۲۱۱ نجى وآنى ولى ايدن ماده سى موجبنجه مفلس طرفدن تكليف اوله جقق قونقورداتونك مذاكره سى ايجون ۳۲۳ سنه سى شباطنك ايكنجى جمعه ايرتسى كونى محكمه مذكوره نك مصالح افلاسيه رؤيته مخصوص اوطه سنه كللى اعلان اولنور .

بك اوغلنده حلبى خانى ايجروسنده بولنان ومفلس اغيا شهبازيانه عائد اولان تحفيه امواللك ۳۲۳ سنه سى كانون ثاينسك يكرمى بشنجى جمعه كونى ساعت التيده بالمازيده فروختى مقرر اولديغندن طالب اولانلرك محل مذكوره حاضر بولنلرى اعلان اولنور .

### اسكدار بدایت محكمه سى حقوق دائره سنه :

استانبولده فاتحده مقيم اصلاحيه قضاسى نائى وبدایت محكمه سى رئيسى قره على زاده مكرمتلو على رضا افنديك قاضى قريه سنه قوربغله لى دره جوارنده مورلى ابراهيم پاشازاده على بكك خانه سنه مستأجراً ساكنه مورلى جلال بك زاده متوفى مصطفى عاطف بك كريمه سى وهيبه خانم ذمتنه اجرت وكالتدن آله جنى اولان يوز اللهى عدد ليراي عثمانيك تحصيلي حقتنه مومى اليها وهيبه خانم عليهنه اسكدار بدایت محكمه سى حقوق دائره سنه اقامه ايلديكى دعوان طولاى تنظيم اولنان دعوتيه ورقه سى ظهرينه مومى اليهانك ككبوزه ده اقامت ايلديكى قاضى قريه - سنه عثمان افا محله سندن شرح ويرلمى ومدعى مومى اليه على رضا افندى مدعى عليها وهيبه خانمك ككبوزه ده مقاولات محرر سابق جمال بكك خانه سنه مسافره اقامت ايلكده اولديغنى بيان ايتسى اوزرينه تكرار يازيلان دعوتنامه لاجل التبليغ ككبوزه بدایت محكمه سى رياسته كوندرلمش ايسه ده رياست مومى اليهان وارد اولان جوابده مومى اليه جمال بكك نزدنده مسافره مقيم وهيبه خانم نامنده برقادين اولمديغندن دعوتيه ورقه سى تبليغ ايديله ميره رك اعاده قانديغنى بيلديرلمش وشوصورتله مومى اليهانك اقامتكاھى مجهول ايدوكى اكلاشلمش اولديغندن مدعى مومى اليهك وقوع بولان طالبي اوزرينه اصول محاكمه حقوقيه قانوننك يكرمى التنجى ماده سى منظوقجه ۳۲۳ سنه سى كانون ثاينسك يكرمى التنجى جمعه ايرتسى كونى ساعت بشده محاكمه سى اجرا قلنمق اوزره يازيلان دعوتنامه محكمه ديوانخانه سنه تعليق قلنديغى كى مومى اليها وهيبه خانمك يوم مذكوره محكمه يه كلسى وياخود وكيل كوندرمسى لزونمك وعكس حالده مدعى مومى اليهك

طليله معامله غيايه اجرا قلنه جفتك غرتنه ايله دخى اعلاننه ابتدار قلندى .

### قرتال قضاسى بدایت محكمه سى اجرا دائره سنه

درسعادته امين اوكنده مقيم قابضمال يوركى ومراطك قرتالده مقيم قباچى مهران ذمتنه بااعلام محكوم به آله جنى اولان مبالغ معلومه نك تايمين استيفاسى ايجون حيز آلتنه انسان قرتالده قوملر موقعنده بر طرفى حاجى قاييك بوستانى وبرطرفى كردغوص بوستانى وايكى طرفى حاجى بسيم پاشا حضرتلرى چايرى ايله محدود تخميناً درت دونم وسكز يوز ويشنه اغاجيله طولابلى برقيوي محتوى بولنان مقدما سبزه بوستانى اليوم برقطعه ويشنه لك ايله ينه قرتالده خرمنلر موقعنده كائن برطرفى طريق وبرطرفى كركور ولد نشان ترلاسى وبرطرفى حاجى مصطفى آغا ترلاسى ايله محدود تخميناً درت دونم وبر دولابلى وديكرى سرانلى كه ايكي عدد قيوي محتوى برقطعه سبزه بوستانك مزايده اوليه سى بالاجرا بونلردن ويشنه لك اوچيك بوستان دخى سكز بيك غروشه طالبلى عهده سنه تقرر ايدرك موقت قراردادده سى كشيده قلنمش اولديغندن يوزده بش ضم ايله طالب اولانلرك معتبركفيل وياني اچهلرينى مستصحباً اوتوزبر كون ظرفنده قرتال قضاسى بدایت محكمه سى اجرا دائره سنه مراجعت ايللرى اعلان اولنور .

### آياصولى بدایت محكمه سى اجرا دائره سنه :

آياصولى ناپولئون قسطندى ايسودك متوفى آياصولى نيقوله مانده مانك املاك متروكه سنه مضافاً اوغللرى استراتى وبورقوب وآخيلف وليغور وكريمه سى صوفيا ذمتلرنده بااعلام محكوم به آله جنى اولان مبالغ تايمين استيفاسى ضمنتده اقدجه حيز ومزايده ايديلان املاك كدن فوليدميلانديره موقعنده كى اون ايكي نومرولى برقطعه باغ يوز قرق غروش واغلستره موقعنده اوتوز درت نومرولى برقطعه زيتونلك دخى بيك التى يوز غروش وقوسكين ارهى موقعنده قرق التى نومرولى ديكر زيتونلك دخى ايكي بيك درت يوز غروش بدلات ايله طالبلى عهده سنه تقرر ايلش اولغله يوزده بش ضم ايله طالب اولانلرك اوتوزبر كونه قدر آياصولى ناحيه سى بدایت محكمه سى اجرا دائره سيله منادى استراتى يه مراجعت ايللرى اعلان اولنور .